



Broj: 01-6-50-453-2/12
Datum: 24.02.2012.godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 28.2.2012			
Organizaciona jedinica	Klasifikaciona oznaka	Redni broj	Broj priloga
01-50-6-16-11		12	

**BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
DOM NARODA**

n/r predsjedavajućeg Doma

**Predmet:Odgovor na pitanje delegata STAŠE KOŠARCA,
dostavlja se,-**

**Veza: Akt Doma naroda Parlamentarne skupštine BiH broj 02-50-6-16-11/12
01.02.2012. godine**

U prilogu akta dostavljamo Vam odgovore na delegatska pitanja delegata **Staše Košarca**, koje je postavio na 11. sjednici Doma naroda Parlamentarne skupštine Bosne i Hercegovine, održanoj **01. februara 2012. godine**.

S poštovanjem,

MINISTAR
mr. Sadik Ahmetović



Dostavljeno:
-naslovu
-a/a



**BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
DOM NARODA**

STAŠA KOŠARAC, delegat u Domu naroda Parlamentarne skupštine BiH, postavio je Ministarstvu sigurnosti Bosne i Hercegovine pitanja sljedećeg sadržaja:

1.,Kada će Parlamentarna skupština BiH biti informisana od strane Ministarstva bezbjednosti, putem pisanog izvještaja, u vezi sa nedavnim napadom vehabija na ambasadu SAD u Sarajevu?

2. Da li Ministarstvo bezbjednosti ima sačinjen izvještaj i kada će dostaviti Parlamentarnoj skupštini BiH, a koji se odnosi na inspeksijski pregled Ministarstva inostranih poslova BiH povodom zvaničnog dopisa zamjenice ministra Ane Trišić Babić, a u vezi uništavanja dokumentacije iz kabineta ministra inostranih poslova?“

ODGOVOR

Ministarstvo sigurnosti Bosne i Hercegovine na postavljena pitanja dostavlja sljedeće odgovore:

1. Zajednička komisija za odbranu i sigurnost Parlamentarne skupštine Bosne i Hercegovine je od Ministarstva sigurnosti BiH zatražila Informaciju u vezi sa terorističkim činom na zgradu ambasade Sjedinjenih Američkih Država.

U skladu sa ovim zahtjevom Ministarstvo sigurnosti BiH je sačinilo potpunu informaciju u vezi sa navedenim događajem, koja je u sebi sadržavala izvještaje i nalaze sigurnosnih agencija vezano za pomenuti teroristički napad. Obzirom da su sigurnosne institucije i policijsko-obavještajne agencije svoje izvještaje o ovom aktu dostavljale pod oznakama: vrlo tajno, tajno i povjerljivo, sačinjena konačna Informacija u vezi sa terorističkim činom na zgradu ambasade Sjedinjenih Američkih Država nosila je najvišu oznaku tajnosti – VRLO TAJNO.

Na traženje Komisije za odbranu i sigurnost PS BiH da se oznaka stepena tajnosti skinе sa ove informacije, kako bi mogla biti razmatrana na sjednici pomenute Komisije, Ministarstvo sigurnosti BiH je preduzelo sve potrebne radnje, te je oznaka tajnosti – VRLO TAJNO skinuta u skladu sa članom 22.Zakona o zaštiti tajnih podataka („Službeni glasnik BiH“ broj 54/05), te Odlukama o ukidanju oznaka tajnosti sljedećih agencija: Granična policija BiH broj: 17-04-2-04-11-2150/11 od 17.01.2012., MUP KS

broj:01-79 od 19.01.2012.godine i Državna agencija za istrage i zaštitu BiH broj: 16-02/1-02-465-2/12 od 31.01.2012.godine.

Ministarstvo sigurnosti BiH je Zajedničkoj komisiji za odbranu sigurnost Bosne i Hercegovine 22.02.2012.godine uputilo Informaciju u vezi sa terorističkim činom na zgradu ambasade Sjedinjenih Američkih Država, **bez oznake tajnosti**.

2. Ministarstvo sigurnosti BiH je po zaprijemljenoj informaciji Ministarstva vanjskih poslova BiH (MVP BiH) – Dopis MVP-a BiH br: MFA-BA-3M 02-50-2-2091/12, od 19.01.2012.godine, **uputilo predstavnike Sektora za zaštitu tajnih podataka** – Državni sigurnosni organ, u skladu sa članom 75. i članom 76. Zakona o zaštiti tajnih podataka (Službeni glasnik BiH“ broj: 54/05 i 12/09), **da u dane 23., 26. i 27.01.2012. godine izvrše nadzor** u prostorijama Ministarstva vanjskih poslova BiH. Pomenuti nadzor je izvršen u cilju sagledavanja situacije na osnovu informacije MVP-a BiH o netransparentnom uništavanju dokumentacije, odnosno dokumenata i materijala koji su imali oznaku tajnosti, u okviru Kabineta ministra vanjskih poslova Svena Alkalaja.

S tim u vezi, a nakon završenih nadzornih aktivnosti u Ministarstvu vanjskih poslova (MVP BiH), predstavnici Državnog sigurnosnog organa su došli do slijedećih saznanja po pitanju rukovanja tajnim podacima Bosne i Hercegovine unutar tog Ministarstva:

- **Evidencije koje se vode unutar sigurnosnog područja odnose se samo na NATO tajne podatke, a iz istih je vidljivo evidentiranje tajnih podataka koji dolaze u to područje kao i evidentiranje o upoznavanju sa tim tajnim podacima. Postoje i odvojene knjige evidencija za EU tajne podatke, ali još uvijek takvi podaci nisu stigli u sigurnosno područje MVP-a BiH.**
- **U okviru pisarnice MVP-a BiH postoji evidencija „povjerljive pošte“ koja se evidentira u odvojenoj knjizi u odnosu na redovnu poštu koja pristizuje u Ministarstvo vanjskih poslova BiH.**
- **U sigurnosnom području u MVP-u BiH nema dokumenata sa oznakom tajnosti a koji sadrže tajne podatke Bosne i Hercegovine, odnosno u sigurnosno područje u MVP-u BiH su dostavljeni samo NATO tajni podaci.**
- **U prostorijama sigurnosnog područja/podregistra MVP-a BiH niti jedan dokument sa oznakom tajnosti nije uništen niti je bilo šta uništavano u okviru tog područja.**
- **Ne postoji centralno mjesto u Ministarstvu vanjskih poslova na kojem se čuvaju dokumenti koji nose oznaku tajnosti – odnosi se na tajne podatke Bosne i Hercegovine – nego se ista čuvaju u organizacionim jedinicama kojima su dostavljeni.**
- **Upislenici u pisarnici koji rade sa „povjerljivom poštom“, kao ni kurir koji raznosi „povjerljivu poštu“, ne posjeduju dozvole za pristup tajnim podacima.**
- **Pošta koja glasi na ruke ministra ili zamjenika ili sekretara i sl. se ne otvara nego se direktno nosi onome na koga glasi i ta osoba je otvara a potom, ako treba, takva pošta se signira određenoj osobi ili je ta osoba čuva kod sebe u kancelariji. Ukoliko se ipak desi da takva pošta bude „spuštena“ u pisarnicu, onda se ona evidentira u knjizi protokola za „povjerljivu poštu“ i dostavlja se organizacionoj jedinici na koju se odnosi. Takva pošta se**

također ne čuva u pisarnici, nego u organizacionoj jedinici kojoj je dostavljena.

- U odnosu na način dostave klasifikovane pošte unutar organizacionih jedinica uvijek se jedna kopija klasifikovane pošte pravi i za Kabinet zamjenice ministra. Kada se kopije dostave u Kabinete, one se tamo i čuvaju.
- U okviru Kabineta ministra i Kabineta zamjenice ministra ne postoji knjiga „povjerljive pošte“, takva pošta se evidentira u pisarnici, iako se zaprima u okviru Kabineta.
- Ukoliko se dostavljaju neki dokumenti koji nose oznaku tajnosti, a naslovljeni su na ruke ministra onda se to zaprima u Kabinetu i takva pošta se otvara i ukoliko je potrebno signira se određenu organizacionu jedinicu.

Na osnovu navedenog, Državni sigurnosni organ BiH ukazuje na činjenicu da je iz svega naprijed navedenog vidljivo da se unutar Ministarstva vanjskih poslova BiH ne poštuju pravila i procedure propisane Zakonom o zaštiti tajnih podataka i propisa donesenih na osnovu tog Zakona, a vezano za sprovođenje organizacionih, fizičkih, i tehničkih mjera i radnji za zaštitu tajnih podataka Bosne i Hercegovine. Također, i dalje ostaje obaveza uspostave sistema zaštite tajnih podataka u Ministarstvu vanjskih poslova BiH, po pitanju tajnih podataka Bosne i Hercegovine i u tom smislu i do sada je u više navrata ukazivano na ovaj problem od strane Ministarstva sigurnosti BiH, odnosno Državnog sigurnosnog organa BiH.

Državni sigurnosni organ BiH će i ubuduće pratiti sve aktivnosti koje se na ovom planu budu preduzimale u MVP-u BiH i pružit će svu potrebnu stručnu pomoć i saradnju.

Informacija u vezi sa obavljenim nadzornim aktivnostima u MVP BiH je upućena i Ministarstvu vanjskih poslova BiH radi otklanjanja pobrojanih uočenih nedostataka.